



UNIVERSITÄTS-  
BIBLIOTHEK  
PADERBORN

**COLLATIO-||NVM SACRARVM|| LIBRI VIII.|| Tilmanni  
Bredenbachij S. Th. D.||**

**Bredenbach, Tilmann**

**Coloniae Agrippinae, 1592**

**VD16 B 7378**

12. De quodam, cuius vincula soluebantur tempore, quo pro illo  
offerebatur Sacrificium Missæ.

---

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

curavit. Porro ille cum viueret, fraternę pietatis atq; supplicationis expers minimę existit. Nam vinculis nullis, (quod vel hostes ad admirabantur, vt literis solatoriis, quas dicunt præstigiatores, ascriberent) aut stringi, aut vinci potuit, idq; maximę sub horam tertiam, quando ex prisco illo Apostolorum ritu Missę peragebantur. Quo miraculo hostes, quibus captiuus tenebatur, obstupefacti, cum Londonię cuidam Fresoni vendiderunt, cui cum idem quod illis acciderat, eueniret, ei facultatem se redimēdi fecit. Ad fratrem igitur cum rediisset, exposito quid incommodi, quid commodi per illud accidisset, deprehensum est, illis maximę temporibus soluta illi fuisse hostium vincula, quibus pro eo fuerant Missarum celebrata solemnia. Quo Christianę Missę vsu testatur Beda, multos qui hoc et illo ipso Imma audierunt, qui ipsi retulere, se de accensos ad offerendas Domino pro suorum creptione, qui de sæculo migrarant, victimas sacrę oblationis. Intellexerunt enim, at eodem cap. 22. lib. 4. quàm sacrificium salutis ad redemptionem valeret & animę & corporis sempiternam.

*Simeon Metaphrastes in vita S. Ioannis Eleemosynarij Archiepiscopi Alexandrini, habetur apud Sierotom. t. de quodam cuius vincula soluebantur tempore, quo pro illo offerebatur sacrificium Missę.*

C.A.

CVM lethalis morbus aliquando inuassisset ciuitatem, maximæ curæ erat Ioanni Patriarchæ Alexandrino, accedere ad ægrotorum visitationem, & eorum, qui decidebant, sepulturam. Sæpè autem etiam assidebat iis, qui emittebant animam, & eorum oculos suis tegebat manibus. Iubebat synaxes quoq; celebrare pro iis, qui dormierant, asserens & affirmans defunctis multum prodesse, quæ pro eis fiunt, commemoraciones & sacra ministeria. Ad fidem autem faciendam eorum, quæ dicebantur, tale quid etiam narrabat, quod factum fuerat, nō ita multo ante. Dicebat enim, quod à Persis quidam abductus captiuus, in custodia, quæ appellatur Lethe, asseruabatur viuctus. Lex autem erat apud Persas, vt qui coniecti erant in eam custodiam, nunquam reuocarentur: & ea ratione consentaneum est, eam fuisse vocatam Lethen, id est obliuionē. Illinc autem cum quidam potuissent aufugere, & in Cyprum venire, affirmarunt parentibus adolescentis, cum esse mortuum in custodia. Illi verò tres quotannis synaxes celebrabant, tanquam eo mortuo. Quatuor anni præterierant, cum filius illinc aufugiens, redit domum. Quem cum parentes non tanquam, qui fugisset e custodia, sed tanquam qui surrexisset à mortuis, cum magno stupore adspexissent, & fuissent ineffabili voluptate repleti, &

alia faciebant & dicebant, quæ anima, quæ te-  
lem vidisset, faceret & diceret: & quemadmo-  
dum ei tanquam iam mortuo fecerant iusta  
quæ sunt mortuis, & cum eum docuissent,  
quinam essent ij dies, nempe dies sanctorum  
Theophaniorum, & dies salutaris Paschæ, &  
dies sanctæ Pentecostes. Hæc cum ille audi-  
uisset, & in memoriam reuocasset, parentibus  
affirmabat, quod his ipsis diebus relaxabatur  
vinculis aduentu cuiusdam, qui gestabat lam-  
padem, & fruebatur omni securitate: diebus  
autem sequentibus tenebatur vinculis, sicut  
prius.

*D. Gregorius Magnus lib. 4. Dialogorum cap. 57. De  
Baraca nauta per salutarem hostiam SS. Euchari-  
stie à naufragio liberato.*

## CAP. XIII.

**A**Gathus Panormitanus Episcopus, sicut  
fideles mihi ac religiosi viri multi testati  
sunt atque testantur, cum beatæ memoriæ an-  
tecessoris mei tempore iussus esset ut Romanam  
veniret, vim nimiam tempestatis pertulit, ita ut  
se ex tanto vndarum periculo euadere posse  
diffideret. Nauta verò illius Baraca nomine  
qui nunc eiusdem Ecclesiæ clericatus officio  
fungitur, post nauem carabum regebat, rupto  
que fune cum eodem carabo quem regebat,  
inter vndarum cumulos repente disparuit.  
Nauis autem cui Episcopus præerat, tandem  
post multa pericula ad Vsticam insulam flu-  
entibus